

# Ikan sardin terdampar sebelum gempa bumi

HM 15/01/2024 M/S 29

Manila: Ribuan ikan sardin terdampar di pantai di satu kawasan di Filipina, sebelum gempa bumi melanda negara itu, baru-baru ini, lapor portal Mirror.

Foto yang tular di media sosial menunjukkan kejadian aneh itu apabila ribuan ikan berkenaan dilihat di pantai di kampung Tinoto, Sarangani, di pulau Mindanao.

Menurut laporan media tempatan, pada 7 Januari lalu, penduduk menemu-



FOTO dikongsi di media sosial menunjukkan penduduk mengambil ikan sardin di pantai pulau Mindanao.

kan ribuan ikan kecil di kawasan pantai, meliputi jarak empat kilometer (km).

Berdasarkan gambar dan video yang dimuat naik di media sosial, ribuan ikan yang terdampar itu dikatakan masih hidup dan 'melompat-lompat'.

Difahamkan, penduduk di kawasan itu dilihat berkumpul di kawasan pantai bagi menangkap ikan dan menganggapnya sebagai rezeki tahun baharu.